



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

1. Quomodò Christus quem vt hominem mors vicit, ipse tertia die vt Deus vicit mortem, reuixit & resurrexit.

urn:nbn:de:hbz:466:1-29452

vicit, ipse tertia die ut Deus vincit mortem,
renixit & surrexit.

2. In quem fructum et ad quid surrexit Christus.
3. Quonodo Christi resurrectio exemplar &
speculum est nostrae futurae resurrectionis.

1.



Hristum esse verè filium Dei, declarat aperte resurrectio eius, sicuti Apostolus ad Roman. 1. testatur, dicens: Qui prædestinatus, id est, verè declarat aut demonstratus, filius Dei &c. quia resurrexit à mortuis, quia vicit iterum mortē. sicut enim mors demonstrauit illum verum fuisse hominem, sic resurrectio verum fuisse Deum declarauit: nam resurrectio, donatio Spiritus sancti, Ascensio, & omnia miracula ostendunt eum potētem, & natura esse filium Dei, atque illum Messiam, qui promissus est patribus. Sic 1. Cor. 15. inquit Apostolus: Hoc est Euangeliū meū quod prædicamus vobis, quod accepistis, & per quod saluamini, quia Christus mortuus est pro peccatis nostris, & resurrexit tertia die secundūm quod scriptura de illo prædixit Psalm. 3. Ego dormiui, & soporatus sum, & exsurrexi, &c. Hoc Christo ascribitur. Et Psalm. 15. Non derelinques animam meam in inferno, in quem scilicet descendit anima Christi, postquam de corpore eius recessit in cruce. & rursus ibidē, Nec dabis sanctum tuū videre corruptionē, id est, ne Christus in corpore corrūpatur, id est, perwest. Et hunc Psalmum citārunt Petrus & Paulus Act. 2. & 13. quandō probant Christi resurrectionem à morte. Petrus Actor. 2. inquit: Viri fratres, Dauid cùm esset Propheta, locutus est de resurrectione Christi, quia non derelictus est in inferno secūdum animam, neq;

corpus

corpus eius vidit corruptionem in terra. Hunc igitur Iesum Deus resuscitauit à mortuis, cuius nos testes sumus &c. Et Paulus Actorum 13. David prædictus Christum resurrectum à morte, quando dixit de illo Psalm. 15. Non dabis sanctum tuum videre corruptionem. Sic Osee 6. Dominus Deus vivificabit nos post duos dies, in die tertia suscitabit nos, &c. Sic Christus consolatur omnes fideles de sua resurrectione, quemadmodum facit Matt. 12. de signo Ionæ, & Ioan. 2. Soluite templū hoc, id est, soluetis quidem, sed ego resuscitabo illud in tribus diebus: quasi dicitur, Nolite timere, si Iudei hoc meū corpus occidunt: ego resuscitabo illud, & resurgam, sicut omnes testantur Prophetæ & Euangelistæ, & Apostolorum symbolum nos docet, quod tertia die resurrexit.

Secundò, fructum resurrectionis Christi breuiter & optimè describit Apostolus Romano 4. inquiens: Christus mortuus est propter peccata nostra, & resurrexit propter nostram iustitiam: Nostra iustificatio, id est, *redemptio* / est fructus resurrectionis, sed hoc sic intelligitur, ex hoc quod Christus mortuus est atque passus, sequitur quod nostra peccata super se accepit, & quod propter nos passus atque mortuus est, & iram quam nos meruimus, apud Deum ipse portauit, Esa. 53. Ideò dicit Apostolus: Mortuus est pro peccatis nostris. Secundò, quia anima eius in inferno, & corpus eius in morte ac in terra non manet, sed per gloriam Dei patris iterum resurgit à morte, & ex hoc notatur quod ira Dei finem habet, & quod nobis remissa sunt peccata. Si enim in morte manisset & in terra corpus eius, & anima in inferno, & non resurrexisset, tunc notum fuisset quod nondum placata esset ira Dei, atque peccata dimissa: sed quoniam resurrexit & viuit, ideò certissimum est signum, quod satisfactio pro peccatis facta est, & impetrata gratia atque remissio